



**KERATAN AKHBAR
DAN MEDIA ONLINE
UNTUK MAKLUMAN :**

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

7 SEPTEMBER 2022 (RABU)



KERATAN AKHBAR DAN MEDIA ONLINE (KPDNHEP)

7 SEPTEMBER 2022 (RABU)



Mengurangkan mentaliti subsidi!



OLEH WAI TEE
 Penulis Bebas

Bercampur-baur perasaan apabila meneliti hantaran Menteri Kewangan Malaysia (MOF) dalam media sosial berkenaan jumlah subsidi yang dikeluarkan kerajaan bagi tahun 2022.

RM77.7 bilion bukan kecil malah hampir satu pertiga daripada Belanjawan 2022 yang asal dan ini tidak termasuk 'supplementary budget'. Jika dibandingkan dengan peruntukan untuk pembangunan pula, tentunya kita akan insaf akan masa depan negara.

Rakyat Malaysia seharusnya bersyukur atas keprihatinan kerajaan menyediakan satu peruntukan yang cukup besar untuk subsidi. Polisi fiskal kerajaan ini sekarang-kurangnya dapat mengurangkan tekanan hidup rakyat. Tanpa subsidi, sudah tentu kadar inflasi negara akan mencanak seperti Amerika dan Eropah sekitar 9 hingga 11 peratus. Malah, kalau tidak kerana intervensi kerajaan menetapkan harga siling ayam, sudah pasti ayam dijual antara RM11 hingga RM13 sekilogram. Harga siling hanya boleh dilaksanakan melalui subsidi yang bernilai RM700 juta yang disalurkan kepada peternak ayam dan telur sehingga 31 Julai 2022.

K keadaan memang memaksa, disebabkan 'cost push factor', hampir semua harga input kepada pemprosesan naik. Tiga faktor yang menyebabkan kenaikan iaitu kekurangan bekalan, meningkatnya permintaan dan wujudnya persaingan di mana ada negara yang sanggup membayar lebih untuk dapatkan bekalan.

Negara kita pengeluar ayam dan biasanya pengeluaran berlebihan sehingga 15-20 peratus membolehkan ayam hidup dieksport ke Singapura. Namun, benih ayam mahupun input ayam seperti jagung dan soya semuanya diimport menyebabkan kos pengeluaran turut meningkat.

Penyelewengan

Sebanyak 41.7 peratus daripada keseluruhan subsidi atau RM32.4 bilion dibelanjakan untuk petrol, diesel dan gas petroleum cecair (LPG). Kita maklum petrol dan diesel adalah 'enjin' kepada ekonomi. Jika kos ini naik, maka kos pengeluaran dan kos dipihak pengguna turut naik.

Semua suka subsidi. Siapa yang tidak suka? Lumrahlah bila harga RON97 meningkat, ramai yang beralih

PENYUNAMAN HARGA SILING RUNCIT MINYAK MASAK TULEN KEMASAN BOTOL SELURUH MALAYSIA
 8.9.2022 - 7.10.2022

1KG	RM7.70	↓	RM7.50
2KG	RM14.70	↓	RM14.30
3KG	RM21.70	↓	RM21.10
5KG	RM34.70	↓	RM33.50

Melalui inisiatif Harga Siling Runcit Minyak Masak Tulen, Bersepadu Kemajuan Botol Berplastik, berbekalkan harga subsidi minyak masak mentah (CPO) yang dibekalkan oleh MPOB, setiap liter akan dapat menikmati faktor-faktor yang berikut:

RM77.7 BILION
 KEPERLUAN SUBSIDI 2022 BAGI MERINGKANKAN KOS SARA HIDUP RAKYAT

Jenis Subsidi	Keperluan Subsidi 2022 (RM Bilion)
Petrol, Diesel & LPG	41.7
Minyak masak paket kg (COSS) & minyak masak botol	3.0
Subsidi bil elektrik	5.8
Subsidi kepenggunaan lain-lain	1.5
Bantuan-bantuan lain (Berkurusi, pendidikan, pengangkutan & pertanian)	25.7
Jumlah Keseluruhan	77.7

kepada petrol bersubsidi RON95. Mengikut data, penggunaan petrol di Malaysia adalah 14.4 bilion setahun dan 13 juta liter adalah RON95.

Perbezaan antara RON95 tanpa subsidi dengan RON97 ialah 20 sen seliter. Bermakna kerajaan subsidi RM2.05 untuk setiap liter RON95 atau RM26bilion setahun. Ini bukan untuk golongan B40 yang bermotosikal atau M40 yang bawa Proton Saga, tetapi M40 yang guna Honda HRV serta T20 yang naik Mercedes.

Jika dibandingkan harga RON95 dan LPG di negara jiran seperti Indonesia, kita akan sedar betapa harga komoditi tersebut jauh lebih murah di negara kita.

Satu lagi subsidi bersifat pukal ialah minyak masak tulen paket 1 kilogram (Cooking Oil Stabilisation Scheme - COSS) dan minyak masak tulen botol yang pernah disubsidi melibatkan RM3 bilion daripada keseluruhan subsidi. CPO di pasaran dunia yang melonjak kepada RM7,000 setan metrik menyebabkan subsidi yang ditanggung kerajaan melonjak.

Tidak masuk akal minyak yang sepatutnya dijual pada harga RM7.00 setiap kilogram dijual pada harga RM2.50, RM3.50 subsidi setiap kilogram. Kerajaan menyediakan 60 juta kilogram sebulan atau 720 juta kilogram setiap tahun. Mustahil tidak mencukupi jika tiada ketirisan atau memang semua rakyat Malaysia sudah beralih kepada minyak masak bersubsidi 1kg?

Masih ingat apabila kerajaan tarik balik subsidi minyak botol? Harga dari RM34.70 melonjak menjadi RM42 untuk botol 5kg. Akibat jurang perbezaan ketara antara harga bersubsidi dengan

harga tidak bersubsidi, membuka ruang kepada pengkhianat negara melakukan penyelewengan demi penyelewengan. Keputusan telah dibuat, kerajaan terpaksa menanggung reaksi rakyat ketika itu.

Manfaat untuk semua

Kerajaan telah beberapa kali menolak cadangan Tenaga Nasional Berhad (TNB) untuk menaikkan tarif elektrik domestik. Subsidi elektrik mudah untuk dibuat bersasar. Apakah kerajaan masih dapat bertahan atau kita sebagai pengguna harus bersiap-sedia terhadap realiti yang bakal tiba.

Subsidi kepenggunaan lain-lain yang berjumlah RM1.5 bilion juga bersifat bersasar lebih kepada subsidi kos pengangkutan dan kos pelabuhan untuk membawa barang-barang keperluan seperti beras, tepung, gula, minyak masak, LPG, RON95 dan diesel dari Semenanjung ke Labuan dan pedalaman Sabah serta Sarawak, di bawah Program Penyeragaman Harga dan Community Drumming.

Topografi yang berbeza dan jarak yang luas menyebabkan harga kepada pengguna akan meningkat jika kerajaan tidak membiayai kos pengangkutan.

Selebihnya iaitu RM25.7 bilion adalah subsidi dalam bentuk bantuan-bantuan pukal sama ada mengurangkan julat amaun subsidi seperti subsidi minyak masak tulen botol dan ayam sekarang

kerajaan harus cepat dan kreatif mencari jalan mengurangkan kos subsidi

“ Akibat jurang perbezaan ketara antara harga bersubsidi dengan harga tidak bersubsidi, membuka ruang kepada pengkhianat negara melakukan penyelewengan demi penyelewengan. ”

ini atau mencari mekanisme lain. Kerajaan pastinya mencari jalan bagaimana subsidi itu dapat disalurkan untuk pembangunan yang menguntungkan rakyat pada jangka pertengahan dan panjang seperti pembinaan infrastruktur terutama di luar bandar. Objektif ini tidak akan tercapai tanpa kolaborasi semua pihak termasuk pengeluar, peniaga dan pengguna.

Kerajaan telah memainkan peranan bagi menjamin kesejahteraan rakyat. Kerajaan tidak boleh terus memberi tingkat subsidi. Terlalu banyak subsidi akan menjadi toksik dan rakyat akan hilang daya-juang dan agiliti dalam hidup. Kini, terserah kepada rakyat untuk sama-sama membina negara dan masa depan yang lebih progresif dan berdaya maju.

Di era pasca pandemik yang serba mencabar, negara memerlukan rakyatnya bersatu hati, memiliki paradigma dunia kelas pertama dan yang terpenting tidak bermentaliti subsidi. Bersediakah kita?



SEBUAH tempat penyimpanan diesel bersubsidi di Jalan Belati, Taman Perindustrian Maju Jaya yang diserbu polis.

Diesel bersubsidi RM105,800 dirampas

Johor Bahru: Polis menyerbu sebuah tempat penyimpanan diesel bersubsidi di Jalan Belati, Taman Perindustrian Maju Jaya, Kempas di sini, dan merampas bahan api itu bernilai RM105,800, kelmarin.

Serbuan pada jam 11.30 pagi itu dibuat susulan penahanan dua lelaki tempatan di dua lokasi berasingan, sebelum tiga lelaki warga asing turut ditahan di tempat penyimpanan diesel bersubsidi berkenaan.

Ketua Polis Johor Datuk Kamarul Zaman Mamat berkata, terdahulu pihaknya menahan seorang lelaki berusia 42 tahun di sebuah stesen minyak di Jalan Harimau, Taman Abad di sini, jam 2 pagi kelmarin.

"Berikutan itu, sebuah lori bernilai RM36,200 bersama muatan 46,000 liter minyak diesel bersubsidi bernilai RM105,800 ketika serbuan pertama, sebelum seorang lagi lelaki berusia

29 tahun ditahan di Taman Ungku Tun Aminah, Skudai di sini, jam 2.30 pagi.

"Dalam serbuan kedua, kita merampas wang tunai bernilai RM17,722 dipercayai digunakan untuk melakukan transaksi pembelian diesel bersubsidi di sekitar daerah ini," katanya dalam kenyataan media di sini, semalam.

Beliau berkata, hasil semakan rekod lampau mendapati kedua-dua suspek itu pernah ditahan atas ke-

salahan mengikut Akta Dadah Berbahaya 1952.

Katanya, tempat penyimpanan diesel bersubsidi itu kemudiannya diserbu dan polis menahan tiga lelaki warga asing berusia antara 26 hingga 34 tahun.

"Kita juga merampas satu resit jual beli transaksi yang terbabit," katanya.

Menurut beliau, kes berkenaan disiasat mengikut Seksyen 21 Akta Kawalan Bekalan 1961.



Polis Johor merampas 1,029 kotak berisi rokok pelbagai jenis yang tidak bercukai bernilai lebih RM7.7 juta dalam serbuan di sebuah tempat penyimpanan rokok, semalam. (Foto ihsan POLIS)

1,029 kotak berisi rokok tidak bercukai bernilai RM7.7j disita

Johor Bahru: Polis menyita 1,029 kotak berisi rokok pelbagai jenis tidak bercukai bernilai lebih RM7.7 juta dalam serbuan ke gudang, kelmarin.

Ketua Polis Johor, Datuk Kamarul Zaman Mamat, berkata serbuan ke atas premis di Taman Perindustrian Maju Jaya, Kempas itu dibuat jam 12.30 tengah hari, sejam selepas serbuan di premis simpanan minyak diesel bersubsidi di kawasan sama.

Beliau berkata, kes disiasat mengikut Seksyen 135(1)(d)

Akta Kastam 1967.

Terdahulu, polis menyerbu sebuah tempat penyimpanan minyak diesel, susulan penahanan dua lelaki tempatan di dua lokasi berasingan, sebelum tiga lelaki warga asing turut ditahan di tempat penyimpanan diesel.

"Dalam tiga serbuan diesel bersubsidi, polis merampas sebuah lori bernilai RM36,200 bersama muatan 46,000 liter minyak diesel bersubsidi bernilai RM105,800 dan merampas wang tunai bernilai RM17,722," katanya.



SEBAHAGIAN kotak berisi rokok pelbagai jenis tidak bercukai yang dirampas dalam serbuan, semalam.

Sita rokok RM7.7 juta

*Rampasan selepas sejam serbuan
premis simpan diesel bersubsidi*

Oleh Izz Laily Hussein
am@hmetro.com.my

Johor Bahru

Sebanyak 1,029 kotak berisi rokok pelbagai jenis yang tidak bercukai bernilai lebih RM7.7 juta dirampas polis dalam serbuan di sebuah premis di Jalan Belati, Taman Perindustrian Maju Jaya, Kempas di sini, kelmarin.

Serbuan pada jam 12.30 tengah hari itu dibuat selepas satu jam polis menyerbu sebuah premis penyimpanan diesel bersubsidi di jalan

yang sama.

Ketua Polis Johor Datuk Kamarul Zaman Mamat berkata, dalam serbuan itu, pihaknya berjaya merampas 347 kotak rokok jenama Redwood warna merah dan hijau, 514 kotak rokok jenama Boston warna biru, ungu dan merah serta 168 rokok Pragon warna merah dan biru.

"Semua 1,029 kotak rokok itu bernilai RM7,717,500 termasuk cukai," katanya dalam kenyataan media di sini, semalam.

Beliau berkata, kes itu disiasat mengikut Seksyen 135(1)(d) Akta Kastam 1967.

BERITA ONLINE BERTARIKH 7 SEPTEMBER 2022

TARIKH	TAJUK	PAUTAN	MEDIA
7-Sep	KPN TERIMA KUNJUNGAN HORMAT KSU KPDNHEP	https://m.facebook.com/story.php?story_fbid=pfbid0GvpSGjPXZBnwdH6F5ehtrrhL83a7nSUsNNWVHrj8giDk61ndQNNuZ42Nv2xVBkAFI&id=100064506887551	FB
7-Sep	Cubaan seludup diesel tanpa permit berjumlah RM80,000 digagalkan	https://www.utusan.com.my/nasional/2022/09/cubaan-seludup-diesel-tanpa-permit-berjumlah-rm80000-digagalkan/	UM
7-Sep	Tangani bersama manipulasi harga ayam	https://www.google.com/amp/s/www.sinarharian.com.my/ampArticle/220006	SH
7-Sep	POLIS RAMPAS ROKOK SELUDUP BERNILAI KIRA-KIRA RM7.7 JUTA TERMASUK CUKAI	https://www.bernama.com/bm/jenayah_mahkamah/news.php?id=2117953	BERNAMA
7-Sep	Polis Johor rampas rokok seludup bernilai RM7.7 juta	https://www.freemalaysiatoday.com/category/bahasa/tempatan/2022/09/06/polis-johor-rampas-rokok-seludup-bernilai-rm7-7-juta/	FMT
7-Sep	Polis rampas rokok seludup bernilai kira-kira RM7.7 juta termasuk cukai	https://www.thesundaily.my/cerita/berita/polis-rampas-rokok-seludup-bernilai-kira-kira-rm77-juta-termasuk-cukai-DK9783566	THESUNDAILY
7-Sep	MENGURANGKAN MENTALITI SUBSIDI	https://www.sinarharian.com.my/article/220179/berita/nasional/bersediakah-kita-mengurangkan-mentaliti-subsidi	SH
7-Sep	MENGURANGKAN MENTALITI SUBSIDI	https://m.facebook.com/story.php?story_fbid=pfbid0dbcoKR7cGdw97c7rW6HWkZFks1qqVu2F7xZRR3iJpvW5v8dT3yQxVykY8eLpSGhpl&id=87363369882	FB

7-Sep	MENGURANGKAN MENTALITI SUBSIDI	https://twitter.com/ SinarOnline/ status/1567330663690543105	TWITTER
7-Sep	MENGURANGKAN MENTALITI SUBSIDI	https://instagram.com/stories/ sinarhari- an/2921718196665074131? utm_source=ig_story_item_sha re&igshid=MDJmNzVkMjY=	IG
7-Sep	Protests in Indonesia as anger grows over fuel price hike	https://www.aljazeera.com/ news/2022/9/6/protests-in- indonesia-as-anger-grows-over -fuel-price-hike	ALJAZEERA
7-Sep	MACAM MANA INFLASI DIKIRA?	https://fb.watch/ fnDVS50MUO/	FB